



Informe-Proposta

No DOG núm. 32 de 15 de febreiro de 2017 de publícase a *Orde do 26 de xaneiro de 2017 pola que se establecen as bases reguladoras de subvencións ás entidades asociativas, ás oficinas locais e a outras entidades colaboradoras da Rede Eusumo para o fomento do cooperativismo e a economía social, e se convocan para o ano 2017.*

Mediante acordo Plenario de 13 de marzo de 2017 acordouse solicitar unha subvención ao abeiro desta convocatoria co obxecto de contratar a un/unha técnico de cooperativismo.

Mediante resolución da Secretaria Xeral de Emprego de 26 de xuño de 2017 concedeuse unha axuda ao abeiro da citada Orde nos termos da solicitude realizada pola Mancomunidad.

De acordo con estes antecedentes, PROPONSE a aprobación das seguintes bases, condicionada á aprobación do correspondente expediente de modificación de crédito.

“BASES PARA A SELECCIÓN DUN/UNHA TÉCNICO/A DA OFICINA DE FOMENTO COOPERATIVO DA MANCOMUNIDADE DE CONCELLOS DA COMARCA DE FERROL.

1. Obxecto

Estas bases teñen como finalidade a determinación do sistema de selección para o contrato baixo a modalidade obra ou servizo, a xornada completa, cunha duración prevista de 2,5 meses conforme a data de fin das accións (30 de setembro de 2017), ao abeiro da *Orde do 26 de xaneiro de 2017 pola que se establecen as bases reguladoras de subvencións ás entidades asociativas, ás oficinas locais e a outras entidades colaboradoras da Rede Eusumo para o fomento do cooperativismo e a economía social, e se convocan para o ano 2017.*

2. Funcións a desenvolver

A persoa contratada desenvolverá as seguintes tarefas e actividades descritas en detalle na memoria do proxecto subvencionado:

1. Realizar un estudo sobre a realidade cooperativa nos concellos da Mancomunidad.
2. Impartir charlas de sensibilización para dar a coñecer a fórmula cooperativa.
3. Organizar a “I Mostra de Cooperativismo e Economía Social de Ferrolterra”.
4. Realizar accións de difusión e información a través de novas tecnoloxías.
5. Proporcionar acompañamento e asesoramento a proxectos cooperativos e da economía social.
6. Realizar as funcións e tarefas encomendadas pola Mancomunidad que sexan necesarias para o correcto desenvolvemento do programa de acordo co establecido nas bases reguladoras da convocatoria de subvencións que rexe o proxecto.


3. Requisitos das persoas candidatas.

De acordo co establecido nos artigos 37.2 e 38.1 da Orde de 26 de xaneiro, a persoa técnica da oficina de fomento cooperativo acreditará unha formación en materia de cooperativismo cunha duración mínima de 60 horas, e posuirá necesariamente calquera destas titulacións académicas:

- a) Licenciatura ou grao en Economía, Administración e Dirección de Empresas, Dereito ou titulacións ou graos mixtos que as inclúan.
- b) Diplomatura ou grao en Ciencias Empresariais ou Relacións Laborais.
- c) Máster en Xestión e Dirección Empresarial Cooperativa.

INFORMADO FAVORABLEMENTE
POR SECRETARÍA XERAL

19 JUL 2017





Para o cumprimento das funcións de acordo co proxecto requírese igualmente permiso de condución B1 e dispoñibilidade de vehículo propio; nivel de Galego CELGA 4 ou superior; e nivel medio-alto de paquete de Office;

4. Sistema de selección

Fase A. Pre-selección de candidatos a través do servizo público de emprego

Os candidatos participantes no proceso serán preseleccionados polo Servizo Público de Emprego conforme oferta de emprego presentada pola Mancomunidade de acordo cos requisitos anteriores.

As persoas preseleccionadas requiriráselles no prazo de dous días a presentación dunha instancia acompañada de curriculum vitae adaptado aos criterios de valoración de méritos, xunto cos documentos acreditativos dos méritos obxecto de valoración e dos requisitos. No caso da dispoñibilidade de vehículo propio e nivel de informática enténdese que as persoas candidatas son responsables do cumprimento destes requisitos pola mera participación no proceso, polo que non se requirirá acreditación documental.

Fase B. Valoración de méritos

A Comisión valorará os méritos dos candidatos conforme ao seguinte baremo:

INFORMADO FAVORABLEMENTE
POR SECRETARÍA XERAL

Ferrol, 19 XULIO 2017

O SECRETARIO XERAL



Criterio	Descrición	Puntuación máxima
Formación	Formación en cooperativismo superior á mínima esixida impartida por Administracións Públicas ou Universidades, Formación continua do AFCA (Acordo de formación continua para as Administracións públicas) ou formación ocupacional, cunha duración mínima de 10 horas. Por cada 10 horas 0,2 puntos.	6
Experiencia	Experiencia profesional como asesor/a de proxectos cooperativos e da economía social. Deberá acreditarse a través de certificación oficial de vida laboral actualizada máis copia do contrato ou certificado de empresa no que consten as tarefas realizadas. 0,2 puntos por cada mes traballado.	5
	Experiencia profesional como asesor/a de proxectos emprendedores. Deberá acreditarse a través de certificación oficial de vida laboral actualizada máis copia do contrato ou certificado de empresa no que consten as tarefas realizadas. 0,2 puntos por cada mes traballado.	4

Fase C. Entrevista

Será realizada polo Comisión de Selección, que valorará os seguintes aspectos demostrados pola persoa candidata:

- Coñecemento do territorio e do seu potencial para o desenvolvemento da economía social.
- Coñecementos sobre o cooperativismo en Galicia.
- Coñecementos de xestión administrativa e e xustificación de subvencións.
- Metodoloxía para o desenvolvemento en prazo e forma do proxecto subvencionado (a





memoria do proxecto facilitarase ás persoas candidatas xunto ás bases con antelación á entrevista)

- Capacidade de comunicación.

Nesta fase poderase outorgar un máximo de 5 puntos.

5. Comisión de selección

A Comisión de selección estará composta por:

- Presidente: O Interventor da Mancomunidad.
- Vogais: Tres persoas designadas respectivamente por tres concellos da Mancomunidad que cumpran os requisitos recollidos no artigo 60.2 do *Real Decreto Legislativo 5/2015, de 30 de outubro, por el que se aprueba el texto refundido de la Ley del Estatuto Básico del Empleado Público* e o artigo 59 da *Lei 2/2015, de 29 de abril, do Emprego público de Galicia*.
- Secretario: O Secretario da Mancomunidad.

A comisión será asesorada polo Xerente da Mancomunidad e poderá contar co asesoramento de AEDLs municipais e/ou dun/unha técnico/a da Rede Eusumo. Estas persoas limitaranse a cuestións técnicas actuando con voz e sen voto.

6. Publicidade

As presentes bases, a convocatoria de entrevistas e o resultado do proceso serán publicados no taboleiro de anuncios da web da Mancomunidad www.comarcaferrolterra.es e do concello de Ferrol www.ferrol.es."

INFORMADO FAVORABLEMENTE
POR SECRETARÍA XERAL

Ferrol, 19 XUL 2017

O SECRETARIO XERAL

Ferrol, 19 de xullo de 2017

O Xerente da Mancomunidad

Asdo.: Luis Alcalá Baillie

Fiscalizado e Conforme,

O Interventor



DECRETO

Logo de ver a anterior proposta, apróboa nos seus termos.

Así o manda e asina o Presidente da Mancomunidad, en Ferrol, a

O Presidente da Mancomunidad



Ante min, o Secretario da Mancomunidad



20 XUL 2017